



Broj: 05-50-1-1971/16
Sarajevo, 14.7.2016. godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 15.07.2016			
Organizaciona jedinica	Klasifikaciona oznaka	Redni broj	Broj priloga
01-	50-1-	15-34	16

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 64. sjednici održanoj 14.7.2016. godine, utvrdilo je Odgovor na zastupničko pitanje koje je postavio Senad Šepić, zastupnik u Zastupničkom domu Parlamentarne skupštine Bosne i Hercegovine.

U pritvku prosljeđujemo Odgovor radi njegovog dostavljanja zastupniku.

S poštovanjem,


GENERALNI TAJNIK
Zvonimir Kutleša



Bosnia and Herzegovina
COUNCIL OF MINISTERS

Broj: 05-50-1-1971/16

Sarajevo, 14.7.2016. godine

Senad Šepić, poslanik u Predstavničkom domu Parlamentarne skupštine Bosne i Hercegovine, dana 15.6.2016. godine, postavio je slijedeće poslaničko pitanje:

"Koje su konkretno mjere i koliko tačno sredstava je planirano za zapošljavanje, posebno mladih, a koje je bh. strana predložila u pregovorima sa MMF u procesu traženja novog kredita kod ove institucije?"

Na postavljeno pitanje, Vijeće ministara Bosne i Hercegovine je na 64. sjednici, održanoj 14.7.2016. godine, utvrdilo sljedeći

ODGOVOR

Ministarstvu civilnih poslova Bosne i Hercegovine nije poznato da je Bosna i Hercegovina u pregovorima sa MMF u procesu traženja novog kredita kod ove institucije planirala mjere i sredstva za zapošljavanje, posebno mladih.

U sklopu navedenog pitanja poslanika Senada Šepića, podsjećamo da je Zakonom o ministarstvima i drugim organima uprave Bosne i Hercegovine definisano da je Ministarstvo nadležno za obavljanje poslova i izvršavanje zadataka koji su u nadležnosti Bosne i Hercegovine i koji se odnose na utvrđivanje osnovnih principa koordinacije aktivnosti, usklađivanje planova entitetskih tijela vlasti i definisanje strategije na međunarodnom planu, pored ostalog, u području rada i zapošljavanja. U skladu sa Ustavom i pomenutim zakonom, direktne nadležnosti u oblasti zapošljavanja, pa tako i zapošljavanja mladih u Bosni i Hercegovini imaju nadležni organi entiteta i Brčko Distrikta Bosne i Hercegovine.

U cilju realizacije svojih zadataka, a u vezi zapošljavanja mladih, Ministarstvo civilnih poslova Bosne i Hercegovine podržavalo je realizaciju i učestvovalo u radu Upravnog odbora Projekta zapošljavanja mladih, koji se implementirao kroz dvije faze, od strane njemačke kompanije GOPA mbH, kroz predstavništvo u Bosni i Hercegovini. Planirana je i treća faza ovog projekta od 2016. godine.

Takođe, u vezi sa zapošljavanjem mladih u okviru Programa dostojanstvenog rada, koji je sa Bosnom i Hercegovinom potpisala Međunarodna organizacija rada (za period 2008-2011 i za period 2012-2015), predviđeno je nekoliko projekta, te je u 2015. godini pružena pomoć za izradu akcionih planova zapošljavanja mladih u Federaciji Bosne i Hercegovine i Republici Srpskoj. Predstavnici Ministarstva civilnih poslova Bosne i Hercegovine učestvuju u radu Odbora za pregled realizacije Programa. U toku su aktivnosti na zaključivanju Programa dostojanstvenog rada za period 2016-2019.

Na osnovu odredbi Zakona o Agenciji za rad i zapošljavanje Bosne i Hercegovine, Agencija za rad i zapošljavanje Bosne i Hercegovine, u saradnji sa Federalnim zavodom za zapošljavanje Federacije Bosne i Hercegovine, Zavodom za zapošljavanje Republike Srpske i Zavodom za zapošljavanje Brčko Distrikta Bosne i Hercegovine, sačinjava prijedlog godišnjeg plana o smjernicama politika tržišta rada i aktivnim mjerama zapošljavanja u Bosni i Hercegovini, koji predstavlja smjernice politika tržišta rada i aktivne mjere zapošljavanja koje planiraju nadležne institucije entiteta i Distrikta u oblasti zapošljavanja na godišnjem nivou.

S obzirom da su osnova za izradu ovog prijedloga plana pojedinačni planovi nadležnih organa (zavoda za zapošljavanje) entiteta i Brčko Distrikta Bosne i Hercegovine, koji se usvajaju početkom tekuće godine od strane vlada entiteta i Brčko Distrikta Bosne i Hercegovine, isti se može sačiniti tek sredinom tekuće godine. U toku je priprema Prijedloga plana o smjernicama politika tržišta rada i aktivnim mjerama zapošljavanja u Bosni i Hercegovini za 2016. godinu.

Programima rada za 2016. godinu zavodi i službe zapošljavanja u Bosni i Hercegovini planiraju aktivnosti na provođenju mjera aktivne politike zapošljavanja, koje će u okviru svojih nadležnosti i finansijskih mogućnosti, realizovati u skladu sa važećim zakonskim propisima.

Ministarstvo je pokrenulo aktivnosti na izradi nove Strategije zapošljavanja u Bosni i Hercegovini za period 2016-2020, s tim da institucije Republike Srpske čekaju uspostavu mehanizma za koordinaciju, nakon čega planiraju da se uključe u izradu pomenutog dokumenta.

Napominjemo da je Ministarstvo civilnih poslova Bosne i Hercegovine koordinirajuća institucija u pripremi Sektorskog planskog dokumenta Zapošljavanje sa obrazovanjem i socijalnom politikom 2016-2017 i godišnjih akcionih dokumenata za sredstava IPA pomoći, te je u okviru ovih dokumenata planiran zahtjev za budžetskom podrškom u vezi zapošljavanja, posebno mladih.